



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Nobili Mvlieri A. Sorori nobilis viri Marchionis Misnensis.

urn:nbn:de:hbz:466:1-20020

ab eo pariter & Lodulpho ac Lodoico atque Crafcone concanonicis suis ad sedem apostolicam accedendi, verum etiam legitimis eorumdem concanonicorum suorum appellationibus vilipensis, ultra semestre quoque tempus, & circa terminum a venerabili fratre nostro Magdeburgensi Archiepiscopo assignatum, infra quem idem Otto & socij sui poterant ad Ecclesiam profacienda electione redire. Super quibus testes suos recipi postulavit. Ad hanc dilectus filius Custos Magdeburgensis contra eandem electionem obicit quod post appellationem ab eo legitimè interpositam fuerat attentata, & super hoc quosdam testes coram dilecto filio nostro Pelagio sanctæ Luciae ad septa solis Diacono Cardinale eis a nobis auditore concelebro produxit, & adhuc alios intendit producere coram nobis. Praefatus vero Gualterius ex adverso respondebat, & negans quae proposita fuerant contra eum, quædam super facto electionis sua, quædam etiam contra excommunicationis exceptionem sibi objectam proposuit replicando, & ea se obtulit opportuno tempore probatarum, pectens interim quosdam testes, quos praefentes habebat, recipi super illis, videlicet quod sacerdotes Otto appellationi quam fecerat, super eo quod non respondebatur litteris nostris pro ipso directis, renuntiavit expressè, quod Archiepiscopus, cum oporteret ipsum Legatis nostris occurtere, appellavit, ne Capitulum ante redditum suum ad electionem procederet, cui de more interesse debebat, quod major & senior pars Capituli consensit inducis quas idem Archiepiscopus postulavit, ut scilicet electio usque ad ejus redditum differret, & Conradus & Crafcus socij ejusdem Ottontis ipsis inducis consenserunt, & quod demum a majori & seniori parte Capituli in Praepositum sit electus, adiciens quod memoratus Otto admittendum non esset ad exceptionem quam de ipsis ex communicatione proponit, tum quia simoniā in suā nominationis factō ipsum commissis dicebat, tum etiam propter alias causas quas asserebat consistere circa factū, cū illum communicasse sibi tam ante causam astrueret quam in causa. Sed ad hanc idem Otto respondit quod licet omnino nullam commiserit simoniā, quin potius ipse Gualterius simoniā commiserit pravitatem, per replicationem tamen præmissam de jure non posset excommunicationis probatio impediiri, cū exceptionem hujusmodi ta-

lis replicatio non contingat. Et si etiam verum esset quod tam ante causam quād in causa præfato communicasset Gualterio, ipse tamen non debuisset eum in manifesto vitare, tum quia denuntiatus non fuerat, & tam a Prælatis quād alii communibatur eidem, tum quia etiā crederet eum in canonem latæ sententie incidisse, sicut ei fuerat intimatum, non tamen hoc videbat per seipsum, sed confidebat per alios id posse probare. Quia igitur replicationes hujusmodi non solum invalidæ sunt sed & frivola reputanda, nos eis nequaquam obstantibus, quosdam testes super aliquibus præmissorum recipi fecimus utrinque productos, & depositiones eorum sub ejusdem Cardinalis sigillo apud sedem apostolicam reservari, discretioni vestra per apostolica scripta mandantes quatinus recipiatis alios testes, tam super his super quibus jam sunt testes produciti, quād etiam super alios in narrationibus partium comprehensis, & eos insuper quos ad replicationem testium partis adverba utrilibet pars duxerit producendos, & depositiones eorum examinatis prudenter, ac fideliter conscribatis, easque sub sigillis vestris inclusas ad sedem apostolicam destinatis, praesigentes partibus terminum competentem quo se nostro conspectui repræsentent justam auctore Deo sententiam recepturæ. Testes autem qui fuerint nominati, si se gratia, odio, vel timore subtraxerint, per censuram ecclesiasticam appellatione cessante cogatis veritati testimonium perhibere. Quod si quicquam humanitus alterutri vestrum contingere, ut his fideliter exequendas, sicut juramento præstito uterque tenetur, usque ad Kalend. Octobris proximò futuras intercessiones non posset, ex tunc dilectus filius Florentius Abbas de Sichem omni contradictione ac appellatione cessantibus præmissa cum reliquo auctoritate præsentium exequatur. Nullis litteris obstantibus præter assensum partium à sede apostolica imperatis. Datum Laterani v. Idus April. pontificatus nostri anno tertiodecimo.

*NOBILI MVLIERI A. SORORI
nobilis viri Marchionis Misnensis.*

DVdum ad aures nostras ex parte tua questione perlata quod cū carifimus in Christo filius noster Rex Boemie illustris te duxisset legitimè in uxorem, ac * decem & octo annis & amplius velut coniugem legitimam pertraetasset, filiis & filiabus ex te suscepis, ac venerabilis frater no-

*Epiſt. 50.
De cauſa di-
vortij cum
Rege Boemie.
Vitas ſupra lib.
11. epift. 184.
*la quarta coll.
xix.*

H h h iij

ter Pragensis Episcopus ad petitionem & mandatum ejusdem Regis, te volentes ad causam accedere ut tuas coram eo propone res rationes, sed a satellitibus memorati Regis prohibita, post appellationem ad nos interpositam divorti sententiam promulgaf set, a qua fecisti per Capellatum tuum infra decendium appellari, eodem Rege superducente postmodum carissimam in Christo filiam C. fororem carissimi in Christo filij nostri Regis Vngarorum illustris, post diversas litteras super eodem negotio im pietatas, demum venerabilibus fratribus nostris Halberstadiensi & Hambembergensi Episcopis & dilecto filio Abbatii de Porca dedi mus in mandatis ut vocatis ad suam præsentiam quos noscerent evocando, inquire rent diligentius veritatem, & quod inven ient, per suas nobis litteras intimarent; ut ex eorum relatione sufficenter instruci, procedere liberius in negotio valeremus. Ipsi verò testes postea receperunt ex tua parte productos, qui juraverunt pro ultra que parte dicere veritatem, & depositio nes eorum propriis sigillis inclusas ad nos tram præsentiam transmiserunt. Verum cùm procurator tuus & nuntius ejusdem Regis propter hoc apud sedem apostolicam constituti coram dilecto filio nostro Petro tituli sancti Marcelli Presbytero Cardinale, quem ipsis dedimus auditorem, aliquandiu litigassent, & procurator ipse attestations easdem approbadas asser ret, & nuntius ex adverso eas, utpote lite non contestata & post appellationem ad nos legitimè interpositam inordinatè re ceptas, peteret reprobari, nos intellectis per Cardinalem ipsam utrinque propositis, attestations præfatas nec approbadas duximus nec etiam reprobandas, sed eas tempori discussionis decrevimus reservari, ut tunc contra illas allegaretur a partibus & pro illis, venerabili fratri nostro Salzburgensi Archiepiscopo & ejus coniudici bus injungentes ut partibus ad locum idoneum convocatis, omni excusatione ac

* occassione cessantibus, reciperent testes quos pars tua vel Regis, cùm nondum di dicissetis testificata, super processu Pragensis Episcopi vel prædictorum judicum ducere producendos, ita quòd tu testes quos priùs induxeras, vel alios, si velles, inducere minimè veteraris, cùm non renuntias testibus producendis, & gesta omnia redacta in scriptis ad sedem apostolicam destinarent, præfigentes parti bus terminum competentem quo nostro se conspectui præsentarent sententiam re cepturæ. Qui quoniam propter impedimenta varia procedere nequiverunt, venerabili frater noster Hugolinus Hostiensis E piscopus & dilectus filius Leo tituli sancte crucis Presbyter Cardinalis, qui tunc legationis officio in Theutonia fungebantur, auctoritate tam nostra quam sua Avelber geni Episcopo tunc electo & sancti Georgij & de Schem Abbatibus juxta præscri pat formam idem negotium commisifere. Qui post multos cause circuitus, sicut ex litteris prædictorum Episcopi & Abbatis de Schem nobis innoruit, memorato Regi, qui propter contumaciam manifestam fuerat excommunicatus ab eis, absolutionis beneficium impenderunt, ab eodem re cepta juratoria cautione quòd pareret ju stitia coram ipsis. Cui cùm diem & locum ad prosequendum negotium peremptorie assignasset, propter contumaciam suam demum in priorem cum sententiam redu xerunt, recipientes testes ex tua parte pro ductos. Cùm autem postmodum iteratos clamores nostris auribus inculcassemus, & nos deliberaverimus cum fratribus nostris quid ad expediriendum negotium totiens impeditum agere deberemus, hoc tandem occurrit, ut sub examine nostro causa eadem ventilata finem debitum fortiretur. Vnde venerabili fratri nostro Maguntinensi Archiepiscopo dedimus in præceptis ut ex parte nostra partibus pro termino peremptorio Kalendas Octobris proximò præteritas assignaret, infra quas per se aut responsales idoneos cum omnibus quæ ad causam necessaria noscerent nostro se conspectui præsentarent sententiam recepturæ. Supradictæ quoque C. forori Regis Vngarie, quam sibi Rex Boemæ copularat, citationis tenorem jussimus intimati; ut si vellet, ad defensionem suam idoneos dirigeret responsales. Porro cùm nuper dilecti filii tuus & ... ac... tam ipsius Regis quam C. fororis Regis Vngarie procuratores propter hoc ad sedem apostolicam accessissent, procurator tuus depositiones testium coram primis & secundis judicibus productorum petit publicari & tibi bene ficium restitutio impendi, sententia prædicti Pragensis Episcopi reprobata, ad assertionem propriam roborandam multis juris canonici & civilis argumentis induc tis. Procuratores verò parti adverse attestationes ipsas aperiendas non esse dice bant, neque secundum eas in negotio pro cedendum, quoniam judges lite non con

* decem dies

* Havelber gen.

* contradic tione

testata, & juris ordine prætermisso, ac postposita appellatione ad nos legitimè interposita, pro eo quod locum suspectum assignaverant ipsi Regi, in negotio processerant memorato, & quia prefata soror Regis Vngariae ad causam evocata non fuerat, ad quam ejusdem negotij defensio pertinebat. Cum enim ipsa, postquam super sententia divortij inter te ac sacerdotium Regem a prefato Episcopo promulgata exitit coram multis Prelatis Vngariae facta fides, eidem Regi fuerit in conspectu Ecclesie copulata, ea indefensa & non citata, que in quasi possessione ipsius Regis, cuius restituatio petebatur, tunc temporis existebat, non debuit in supradicto negotio procedi; maximè cum expressum fuerit in litteris transmissis eisdem ut vocarent quos noscerent evocandos. Vnde non solum Rex, sed & ipsa quoque C. debuit evocari, cum taliter fuisset nostra intentio videretur, ex eo quod ultimæ citationis tenorem non solum Regi, sed etiam dictæ nobili mandavimus intimari; ut si velleret, præfixo termino ad defensionem suam idoneos dirigeret responsales. Prædicta vero probare procuratores ipsi multis rationibus intebantur. Attestationes quoque secundo loco receptas eadem pars proposuit respondendas, cum judices qui testes receperant, postquam ab eis, ut pote manifestè suspicis, ad nos fuerat appellatum, ejusdem Regis nuntio proper hoc specialiter ad sedem apostolicam destinato, duxerunt in negotio procedendum. Ex eadem insuper sua parte propositum quod tu nequaquam eras restitutio nem postulans audienda, cum spoliata fueris auctoritate judicis, qui præsumitur legitimè processisse, nec absque ipsius C. poteras prejudicio & iactura restitutus, que in prefati Regis quasi possessione Ecclesie auctoritate tunc erat; cum is qui auctore prætore possideret, justè possidere regulariter videatur. Eadem quoque pars proponebat te non debere contra sententiam predicti Episcopi Pragensis audiri, quam tua sponte olim duxeras approbandam; maximè cum ex parte prædictæ sororis Regis super consanguinitatis linea inter te ac præfatum Regem in continentis probationes legitimæ offerrerentur; cum etsi ferretur forstitan sententia contra Regem, nihilominus ejus esset executio differenda, ne antedictæ C. circa possessionem Regis posset prejudicium generari; sicut in quodam alio casu non multum huic absimili dicimus diffinisse. Ceterum ad hoc quod

præmissum est, lite non contestata priores judices processisse, fuit ex tua parte responsum quod hoc pars altera non poterat allegare. Cum enim confiteretur item coram Pragensi Episcopo contestatam, qui divortij sententiam promulgavit, in appellationis causa, que intelligitur eadem cum priori, item non oportuit denuo contestari. Sed etsi item non fuisse coram Episcopo contestatam pars eadem fateretur, cum tamen testes fuerint ab ipsa producti contra te, non poterat allegare quod lite non contestata testes minus legitimè produxisse, cum frustra legis auxilium invocet qui commitit in legem. Sed nec dicta soror Regis Vngariae, immo Rex solummodo debuit a judicibus memoratis citari, quem causa principaliter contingebat; cum principali questione decisa, causa ipsius C. que accessoria videbatur, per consequentiam soperiretur; maximè cum ad defensionem cause que publicè agebatur, si sibi præjudicari timebat, se potuerit ob tulisse. Sed nec omnes quos quaestio mota contingit, ad examinationem evocantur ipsius; sicut in multis casibus est videri civilibus legibus comprehensis: quamquam ad cautelam & ex gratia speciali mandavimus Archiepiscopo Magantineni ut citationis tenorem supradictæ nobili nuntiaret. Proposuit etiam procurator tuus non posse partem alteram allegare quod attestations ultimæ post appellationem ad nos interpositam a judicibus fuerint inordinatè recepta, cum postmodum eorundem judicio se promiserit juramento interposito pariturae. propter quod renuntiassè appellationis beneficio videbatur. Contra quod pars adversa dicebat quod sub conditione fuerat præsumptum hujusmodi juramentum, nisi videlicet Regis nuntius propter hoc specialiter ad nostram præsentiam destinatus mandatum ex parte nostra contrarium reportaret. Restitutionem quoque à te petitam, à dicta sorore Regis impediti non posse dicebat, eo prætextu videlicet quod auctore prætore cœperat posidere. Nam ex facto Episcopi, qui post appellationem ad nos legitimè interpositam inordinatè processerat, hujusmodi fuerat auctoritas usurpata. Sed nec consanguinitatis objectu per eam poterat restitutio impedi, cum & Rex ipse hoc idem allegans minimè audiretur. Illud nihilominus frivolum esse dicebat quod tu approbasse sententiam dicebaris, cum per approbationem tuam sententia nequiverit robur sumere que irrita fuerat ipso jure.

Cum igitur super his & aliis utrique propositis nobis nequiverit fieri plena fides super processu Pragenis Episcopi coram nobis lite legitimè contestata, & quibusdam testibus super ipso pro parte Regis receptis, universis exceptionibus salvis, de procuratorum utriusque partia assensu tam tibi quam parti adverse dilationem usque ad festum sancti Martini primò venturum duximus concedendam; praesentum tibi auctoritate mandantes quatinus, nisi forsan interim inter vos honesta poterit concordia provenire, in eodem termino, quem tibi pereemptorium assignamus, per responsales idoneos & sufficienter instructos super omnibus que spectant ad causam comparreas coram nobis; ut per nos causa ipsa diligenter examinata, finem debitum fortioritur. Datum Laterani Idibus Aprilis, pontificatus nostri anno tertio decimo.

Scriptum est in eundem ferè modum illustri Regi Boemie. Datum Laterani &c. ut in alia.

In eundem ferè modum scriptum est nobili mulieri C. sorori Regis Vngarie usque duximus concedendam. Vnde memoratis Regi & nobili dedimus in mandatis quatinus, nisi forsan interim inter vos &c. ut in alia in eundem ferè modum usque finem debitum fortioritur. Tibi quoque mandamus ut, si volueris, procuratorem ad eundem terminum pro te dirigas sufficienter instructum. Datum ut in alia.

R A N V L P H O P R I O R I
& conventui hospitalis sancti Thome martyris & beati Antonij Abbatis de porta Miletii de Cadomo tam praesentibus quam futuris regularem vitam professis in perpetuum.

Epist. 51.
De confirmatione privilegiorum.

R Eligiosam vitam diligentibus apostoli- cun convenit adeste praesidium; ne forte cuiuslibet temeritatis incursum aut eos à proposito revocet, aut robur, quod absit, sacre religionis infringat. Eapropter, dilecti in Domino filij, vestris postulationibus clementer annuimus, & præfatum hospitale, in quo divino etsi obsequio mancipati, sub beati Petri & nostra protectione suscipimus & praesentis scripti privilegio communimus. In primis siquidem statuentes ut ordo canonicus, qui secundum Deum & beati Augustini regulam in eodem loco institutus esse dinoscitur, perpetuis ibidem temporibus inviolabiliter observetur. Præterea quascunque possessiones, quæcumque bona idem hospitale in praesentiарum justè ac canonice possidet, aut in futurum concessionē Pontificum, largitione Regum vel Principum, oblatione fidelium, seu alijs iustis modis præstante Domino poterit adipisci, firma vobis vestrisque successoribus & illibata permaneant, in quibus hæc propriis duximus exprimenda vocabulis. Locum ipsum in quo præfatum hospitale situm est, cum omnibus pertinentiis suis. De dono Wilhelmi Comitis de Magnavilla, dimidium modium frumenti, & dimidium ordei in suo molendino de Molineaus. De dono Roberti de Harecourt, unum sextarium frumenti apud Posteinie. De dono Thonae Malfillaste, nemus suum de Roella & dimidium modium avenæ apud Cuslie. De dono venerabilis fratris nostri R. Baioensis Episcopi, pratum quod fuit Radulphi Leveel, & redditum quem inde percipiebat, videlicet quatuor sextarios frumenti. De dono Martini Fobert & Ricardi fratris sui, de assensu & voluntate Petronillæ & Nicolæ uxorum suarum, tres acres terre & dimidiā. De dono Rogenj de Ammundevilla, octo acres & dimidiā & unam virgam terræ in territorio de Borgebu. Ex dono Wilhelmi de Oylie Archidiaconi Andegavensis, unum sextarium frumenti & duos sextarios ordei in molendino suo de Oylie. Ex dono Lohulidi de Flamanvill, sex solidos Turonenses in feudo Wilhelmi filij Rohais apud Aumarsnīl. Ex dono Ricardi filij Ricardi Henrici, decem libratas redditus in villa Cadomi acquisitione Wilhelmi de sancto Martino. Ex dono Rogerij filij Roberti Tioudi, dimidium modium ordei apud Soliers, & sex solidos Turonenses, & duos capones, duas gallinas, & viginti ova. Ex dono Simonis de Locheles, terras apud Broie ad dimidium modium frumenti. Ex dono Radulphi de Clinchamp & Hugonis fratris ejus, terras apud Rosel ad tredecim sextarios frumenti. Ex dono Ricardi Militis, apud Colomp, sex sextarios frumenti, & unam gallinam. Ex dono Ricardi de Berner, quinque sextarios ordei apud Columbell. Ex dono Wilhelmi Motin, quinque acres terræ & dimidiā apud Eschai. Ex dono Iovis de Alemannia, sex sextarios frumenti, duas gallinas, & viginti ova, & quartam partem cuiusdam molendini apud Maletot. Ex dono Reginaldi & Gaufridi Lesblaiers, quinquaginta tres solidos & quatuor denarios in vico Oxomensi. Ex dono Thomae Graverenc, viginti solidos apud Vuauelles. Ex dono Roberti Gouz, tres sextarios frumenti in molendino suo apud Wadum de